



Molimo korisnike da prilikom upotrebe podataka
obavezno navedu izvor

GODINA: VI

SARAJEVO, 28.2.2017.

BROJ: 4

POSLOVNE STATISTIKE

INDEKSI PROMETA TRANSPORTA I SKLADIŠTENJA U BIH, IV KVARTAL 2017.

Ukupan desezonirani promet transporta i skladištenja u četvrtom kvartalu 2017. godine zabilježio je rast od 0,6% u odnosu na treći kvartal 2017. Pad prometa zabilježen je u oblasti Skladištenja i pomoćnih djelatnosti u prijevozu u iznosu od 1,2%, dok je rast prometa ostvaren u oblastima Kopnenog prijevoza i cjevovodnog transporta u iznosu od 0,5%, te oblasti Poštanskih i kurirskih djelatnosti u iznosu od 4,2%.

Desezonirani indeks prometa transporta i skladištenja u četvrtom kvartalu 2017. godine ostvario je rast od 29,4% u odnosu na baznu (2010.) godinu. Rast indeksa prometa ostvaren je u oblastima Kopnenog prijevoza i cjevovodnog transporta u iznosu od 24,9%, Skladištenja i pomoćnih djelatnosti u prijevozu 78,4%, te oblasti Poštanskih i kurirskih djelatnosti u iznosu od 29,5% u odnosu na baznu (2010.) godinu.

Indeksi prometa transporta i skladištenja, desezonirana serija BiH, 2010=100




Tabela 1: Kvartalne stope promjene prometa transporta i skladištenja izračunate iz nominalnih indeksa

Šifra KD BiH 2010	Naziv djelatnosti - KD BiH 2010	<u>IV 2016</u>	<u>I 2017</u>	<u>II 2017</u>	<u>III 2017</u>	<u>IV 2017</u>
		III 2016	IV 2016	I 2017	II 2017	III 2017
H	Ukupno transport i skladištenje	2,5	-2,6	3,8	1,0	0,6
H 49	Kopneni prijevoz i cjevovodni transport	1,7	-1,1	2,1	-0,3	0,5
H 51	Zračni prijevoz	Z	Z	Z	Z	Z
H 52	Skladištenje i pomoćne djelatnosti u prijevozu	6,6	-9,9	13,2	12,0	-1,2
H 53	Poštanske i kurirske djelatnosti	3,1	-4,0	5,0	-3,1	4,2

**desezonirani podaci*

**podaci za prethodni period su revidirani*

Tabela 2: Godišnje stope promjene prometa transporta i skladištenja izračunate iz nominalnih indeksa

Šifra KD BiH 2010	Naziv djelatnosti - KD BiH 2010	<u>I 2017</u>	<u>II 2017</u>	<u>III 2017</u>	<u>IV 2017</u>	<u>I-IV 2017</u>
		I 2016	II 2016	III 2016	IV 2016	I-IV 2016
H	Ukupno transport i skladištenje	0,6	6,3	4,8	2,8	3,7
H 49	Kopneni prijevoz i cjevovodni transport	2,0	5,8	2,3	1,1	2,8
H 51	Zračni prijevoz	Z	Z	Z	Z	Z
H 52	Skladištenje i pomoćne djelatnosti u prijevozu	-5,3	11,1	21,8	12,8	10,9
H 53	Poštanske i kurirske djelatnosti	-1,9	3,3	0,7	1,8	1,0

**kalendarski prilagođeni podaci*

**podaci za prethodni period su revidirani*

Tabela 3: Kvartalna serija nominalnih indeksa prometa transporta i skladištenja, 2010=100


Šifra KD BiH 2010	Naziv djelatnosti - KD BiH 2010	2016	2017			
		IV	I	II	III	IV
H	Ukupno transport i skladištenje	125,9	122,6	127,3	128,6	129,4
H 49	Kopneni prijevoz i cjevovodni transport	123,6	122,2	124,8	124,4	124,9
H 51	Zračni prijevoz	Z	Z	Z	Z	Z
H 52	Skladištenje i pomoćne djelatnosti u prijevozu	158,1	142,4	161,2	180,6	178,4
H 53	Poštanske i kurirske djelatnosti	127,3	122,2	128,3	124,3	129,5

**desezonirani podaci*

**podaci za prethodni period su revidirani*

Ukupan promet transporta i skladištenja, kalendarski prilagođen, u četvrtom kvartalu 2017. godine zabilježio je rast od 2,8% u odnosu na isti kvartal prethodne godine. Rast prometa zabilježen je u oblastima Kopnenog prijevoza i cjevovodnog transporta u iznosu od 1,1%, Skladištenja i pomoćnih djelatnosti u prijevozu u iznosu 12,8%, dok je u Poštanskim i kurirskim djelatnostima ostvaren rast prometa iznosu od 1,8%. U 2017. godini ostvareni promet u djelatnostima transporta i skladištenja u BiH, kalendarski prilagođen, veći je za 3,7% u odnosu na ukupan promet ostvaren u 2016. godini.

Godišnje stope promjene prometa transporta i skladištenja, kalendarski prilagođena serija, BiH



U strukturi ostvarenog prometa transporta i skladištenja (izvorni, neprilagođeni podaci) najveće učešće ostvareno je u oblasti Kopnenog prijevoza i cjevovodnog transporta (74,4%), potom slijede oblasti Skladištenje i pomoćne djelatnosti u prijevozu (14,2%), Poštanske i kurirske djelatnosti (11,1%), Zračni prijevoz (0,2%) te vodeni prijevoz (0,1%).

Tabela 4: Nominalni pokazatelji prometa transporta i skladištenja- izvorna (neprilagođena) serija

Šifra KD BiH 2010	Naziv djelatnosti KD BiH 2010	stope promjene			indeksi prometa 2010=100				
		$\frac{IV\ 2017}{III\ 2017}$	$\frac{IV\ 2017}{IV\ 2016}$	$\frac{IV\ 2017}{\phi 2016}$	IV 2016	I 2017	II 2017	III 2017	IV 2017
H	Ukupno transport i skladištenje	0,7	6,5	12,6	128,6	112,6	130,3	135,9	136,9
H 49	Kopneni prijevoz i cjevovodni transport	1,2	6,1	11,1	126,3	111,2	129,6	132,4	134,0
H 51	Zračni prijevoz	Z	Z	Z	Z	Z	Z	Z	Z
H 52	Skladištenje i pomoćne djelatnosti u prijevozu	-7,5	12,8	25,5	158,3	125,8	159,4	193,1	178,7
H 53	Poštanske i kurirske djelatnosti	9,5	0,6	6,8	130,2	121,9	121,9	119,6	131,0

*podaci za prethodni period su revidirani

Prilog: Izvod iz Klasifikacije djelatnosti KD BiH 2010

Šifra KD BiH 2010	Naziv djelatnosti - KD BiH 2010
H	TRANSPORT I SKLADIŠTENJE
49	Kopneni prijevoz i cjevovodni transport
49.1	Željeznički prijevoz putnika, međugradski
49.2	Željeznički prijevoz robe
49.3	Ostali kopneni prijevoz putnika
49.4	Cestovni prijevoz robe i usluge preseljenja
49.5	Cjevovodni transport
50	Vodeni prijevoz
50.1	Pomorski i priobalni prijevoz putnika
50.2	Pomorski i priobalni prijevoz robe
50.3	Prijevoz putnika unutrašnjim vodenim putevima
50.4	Prijevoz robe unutrašnjim vodenim putevima
51	Zračni prijevoz
51.1	Zračni prijevoz putnika
51.2	Zračni prijevoz robe
52	Skladištenje i pomoćne djelatnosti u prijevozu
52.1	Skladištenje robe
52.2	Pomoćne djelatnosti u prijevozu
53	Poštanske i kurirske djelatnosti
53.1	Djelatnosti pružanja univerzalnih poštanskih usluga
53.2	Djelatnosti pružanja ostalih poštanskih i kurirskih usluga

METODOLOŠKA OBJAŠNENJA

Cilj istraživanja

Statistika prometa transporta i skladištenja primarno ima za cilj da pruži blagovremene informacije o promjeni nivoa ostvarenog prometa ali i drugim relevantnim pokazateljima. Indeks prometa transporta i skladištenja jedan je od pokazatelja ekonomske aktivnosti zemlje koji pomaže organima državne uprave i preduzećima iz privatnog sektora u procesu donošenja odluka. Primjenjuje se i za procjenu rezultata sektora usluga, potrošnje stanovništva, kao i pri izračunu nacionalnih računa. Metodologija istraživanja prometa transporta i skladištenja je propisana Uredbom Vijeća (EZ) br. 1165/98 o kratkoročnim poslovnim statistikama (Aneks D) i njenim izmjenama i dopunama (u daljem tekstu EU-STS regulativa) kao i preporukama Eurostata iz ove statističke oblasti.

Obuhvat

Istraživanjem su obuhvaćeni poslovni subjekti/pravna lica koji su prema glavnoj djelatnosti registrovani da obavljaju djelatnosti transporta i skladištenja (djelatnosti područja H). Za potrebe istraživanja korištena je Klasifikacija djelatnosti Bosne i Hercegovine- KD BiH 2010 koja je u potpunosti usklađena sa Evropskom klasifikacijom ekonomskih djelatnosti NACE Rev.2. Cjelokupno područje Bosne i Hercegovine je obuhvaćeno istraživanjem. Istraživanjem nisu obuhvaćeni preduzetnici.

Uzorak

Za provođenje istraživanja prometa transporta i skladištenja u BiH koristi se kombinovani metod punog obuhvata i stratifikovanog slučajnog uzorka. Uzorak je podijeljen na stratum prema klasi finansijskog podatka (finansijski izvještaj za prethodnu godinu) i djelatnosti poslovnog subjekta (49, 50, 51, 52 i 53). Kao pomoćna stratifikaciona varijabla koristi se broj zaposlenih. Izabrani uzorak transporta i skladištenja za 2017. godinu reprezentativan je na nivou Bosne i Hercegovine, kao i na nivoima Federacije BiH, Republike Srpske i Brčko distrikta BiH.

Prikupljanje i obrada podataka

U provođenju istraživanja učestvuju zvanične statističke institucije u BiH. Osnovna varijabla posmatranja je kvartalni promet poslovnog subjekta bez PDV-a, koji je u skladu sa EU-STS regulativom iskazan posebno. Podaci prikupljeni od izvještajnih jedinica, putem obrazaca K KPS TRANS 01 (oblasti 49, 50, 51, 52) i K KPS USL 01 (za oblast H53 - Poštanske i kurirske djelatnosti), predstavljaju osnovu za procjenu podataka za ukupnu populaciju. Agregiranje prometa na više nivoe (oblast, područje ili specijalni agregati) djelatnosti se vrši prije kompilacije indeksa.

Kvartalne serije podataka prometa za oblast H53 po kvartalima od 2010. do 2013. godine dobijene su kombinacijom podataka iz administrativnih izvora i drugih statističkih istraživanja. Pri preračunu historijske serije podataka korištena je metoda preklapanja („overlapping“). U sklopu kvartalnog istraživanja ostalih usluga, koje se od 2015. godine sprovodi redovno, uporedo su prikupljeni podaci i za referentne kvartale 2014. godine za oblast H53.

Kompilacija indeksa

Indeksi prometa transporta i skladištenja iskazuju se u nominalnim vrijednostima i računaju se u odnosu na baznu (2010.) godinu, koja se prema regulativi revidira svakih pet godina. Indeks prometa izražen je u tekućim cijenama (nije otklonjen uticaj promjene cijena).

Sezonsko i kalendarsko prilagođavanje indeksa

Statističke institucije u BiH uvažavajući način diseminacije podataka u EU, indekse objavljuje u sljedećim oblicima:

- izvorni (neprilagođeni) indeksi,
- sezonski prilagođeni indeksi- desezonirani indeksi i
- kalendarski prilagođeni indeksi

Obzirom da desezonirani i kalendarski prilagođeni indeksi imaju mnogo veći značaj i reprezentativniji su korisnicima statističkih podataka detaljno su prikazani u tabelarnom obliku.

Desezoniranje podrazumijeva da su podaci prilagođeni za uticaj sezone i kalendarske dane. Podaci koji se upoređuju sa podacima iz prethodnog perioda se, prema preporukama Eurostata, prezentiraju i tumače u desezoniranom obliku. Kalendarsko podešavanje podrazumijeva da su podaci prilagođeni za uticaj kalendarskih i radnih dana. Podaci koji se porede sa podacima istog perioda prethodne godine se prezentiraju i tumače u kalendarski prilagođenoj formi indeksa ili stopa rasta. U slučaju da navedeni kalendarski efekti značajno utiču na posmatranu vremensku seriju, potrebno je iste otkloniti.

Kalendarsko i sezonsko prilagođavanje vrši se u Demetra aplikaciji (verzija 2.2) metodom TRAMO-SEATS na izvornim kvartalnim serijama podataka te u skladu sa smjernicama Eurostata. Zbog svojstva primijenjene metode prilagođavanja, dodavanjem novih opservacija mogu nastati određene promjene na ranijoj seriji već objavljenih sezonski i kalendarski prilagođenih indeksa.

Diseminacija podataka

Rezultati istraživanja izražavaju se u obliku indeksa i stopa promjene te se od 2012. godine publikuju u redovnoj kvartalnoj dinamici u formi saopćenja za javnost na web stranici Agencije za statistiku BiH (www.bhas.ba). U periodu od 2012. do 2017. rezultati istraživanja su bili publikovani u formi saopćenja koje nije uključivalo oblast H53 - Poštanske i kurirske djelatnosti. Također, nije vršeno sezonsko i kalendarsko prilagođavanje indeksa. Počev od prvog kvartala 2017. godine objavljuju se sezonski i kalendarski prilagođeni indeksi koji uključuju i oblast H53. Prezentacija i interpretacija indeksa potpuno je usklađena s onima koje su propisane EU-STS regulativom što omogućava domaćim i međunarodnim korisnicima neposredno poređenje indeksa prometa ostalih usluga u BiH sa indeksima drugih zemalja.

Revizija podataka

Redovna saopćenja statistike prometa ostalih usluga objavljuju se u kvartalnoj dinamici i sadrže preliminarne podatke. Revizija podataka podrazumijeva da se podaci za prethodni kvartal (t-1) revidiraju u skladu sa novim informacijama, te je moguće da se podaci objavljeni nakon revizije razlikuju od ranije objavljenih, preliminaranih podataka. U saopćenjima je jasno naznačeno o kojim se podacima radi, tako da korisnici statističkih podataka mogu pravilno da ih tumače. O izmjenama podataka i razlozima korisnici će biti obavješteni na prikladan i transparentan način, u redovnim kvartalnim saopćenjima i drugim publikacijama za javnost kao i na web stranici Agencije za statistiku BiH.

Definicije

Promet je ukupan fakturisani iznos koji poslovni subjekt obračuna za prodane robe ili pružene usluge tokom referentnog perioda trećim licima i odgovara njihovoj tržišnoj vrijednosti. Uključuje i troškove povezane sa prodajom čak i ako su ti iznosi posebno iskazani na fakturama. Ostvareni promet isključuje porez na dodanu vrijednost (PDV) i ostale odbitne poreze, direktno povezane s prometom, sve carine i poreze na dobra i usluge fakturisane od strane jedinice. Prihodi koji su u računima preduzeća klasifikovani kao drugi operativni prihodi, finansijski dohodak i izvanredni dohoci i prihodi na računima preduzeća su isključeni iz ostvarenog prometa.

Skraćenice

EU- Evropska unija
Eurostat- Statistički ured Evropske unije
KD BiH 2010- Klasifikacija djelatnosti Bosne i Hercegovine 2010
NACE Rev.2- Statistička klasifikacija ekonomskih djelatnosti u EU
SPR- Statistički poslovni registar
STS – Short Term Business Statistics (Kratkoročne poslovne statistike)
Z- Podatak zbog zaštite povjerljivosti nije objavljen
- nema pojave

Izdaje i štampa Agencija za statistiku Bosne i Hercegovine, 71000 Sarajevo, Zelenih beretki 26

Telefon: +387 (33) 911 911 · Telefaks: +387 (33) 220 622

Elektronska pošta: bhas@bhas.gov.ba · Internetska stranica: <http://www.bhas.gov.ba>

Odgovara direktor: Velimir Jukić

Saopćenje priredio: Alen Bajramović

Podaci iz ovog saopćenja objavljuju se i na internetu
